




## Čelnici Vlade Kantona Sarajevo u posjeti radnicima i novoj Upravi KJKP Toplance Sarajevo



Premijer Kantona Sarajevo Edin Forto i Ministar komunalne privrede i infrastrukture Srđan Mandić su danas posjetiti KJKP „Toplane - Sarajevo“ d.o.o.

U sklopu posjete Premijer Kantona i resorni ministar su obišli radnike zaposlene u Službi servisa. U razgovoru sa radnicima naglašeni su prioriteti poboljšanja uslova rada radnika kao i pravedniji odnos na raspodjeli koeficijentata na bazi stručnosti.

Premijer Forto i ministar Mandić su istakli zadovoljstvo što nova Uprava Sarajevskih Toplana na čelu sa v.d. direktorom Berinom Alagićem prati ambicije Vlade KS, te naglasili da su projekti tipa novih kotlovnica u Kampusu i

Vogošći, kao i značajnije ulaganje u infrastrukturu neki od ključnih prioriteta Vlade.



*Foto: Premijer KS i resorni ministar tokom obilaska radnika Službe servisa*

U nastavku posjete u okviru radnog sastanka čelnika Vlade KS i nove Uprave Toplana, fokus je stavljen na spomenute projekte koje Toplance Sarajevo namjeravaju realizovati tokom 2020. godine, a odnose se na potpunu rekonstrukciju kotlovsog postrojenja „Kampus“, potpuno nova kotlovnica na području Općine Vogošća, pojačane aktivnosti na naplati potraživanja i intezivirane aktivnosti na ugradnji mjerila utroška toplotne energije kao jedan od preuslova za povećanje energijske efikasnosti, te uvođenje novih tehnologija sa ciljem jačanja efikasnosti i održivosti sistema.

*KJKP „Toplane - Sarajevo“ d.o.o.*

Sarajevo, novembar 2019. godine